



Republika e Kosovës  
Republika Kosova – Republic of Kosovo  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

## RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
<b>Burim Zeka</b>	<b>26.09.2023</b>	<b>29.09.2023</b>	<b>2023/0728</b>

### BAZA LIGJORE E SHQYRTIMIT

Me datën: 25.09.2023, **OE "TRAFFIKS VA SH.P.K."**- Prishtinë, ka parashtruar ankesë me nr: 2023/0728, kundër anulimit të aktivitetit të prokurimit, lidhur me aktivitetin e prokurimit: **"Furnizim me shenja te trafikut mobil për paralajmërim dhe për ndalje te automjeteve motorike."** me nr. të prokurimit: "214-23-8152-1-2-1", iniciuar nga Autoriteti Kontraktues **(AK) – POLICIA E KOSOVËS**.

Autoriteti kontraktues ka zbatuar procedurë të hapur, kontratë publike kornizë, furnizim, vlera e parashikuar e kontratës: 22,000.00 €.

Fazat e procedurës se prokurimit:

Njoftimi për kontratë.....03.08.2023;

Procesverbali i hapjes së ofertave.....28.08.2023;

Njoftimi mbi vendimin e AK-së.....04.09.2023;

Kërkesa për rishqyrtim .....11.09.2023;

Vendimi i AK-së në kërkesë për rishqyrtim.....13.09.2023;

Ankesa ne OSHP.....25.09.2023;

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

### DISPOZITAT E SHKELURA DHE PRETENDIMET ANKIMORE

**Neni 1 i LPP-së**

**Neni 6 i LPP-së**

**Neni 7 i LPP-së**

**Neni 59 i LPP-së**

**Neni 60 i LPP-së**

**Neni 62 i LPP-së**

**Neni 69 i LPP-së**

**Neni 72 i LPP-së**

**Neni 43 i Rregullores NR. 001/2022 për Prokurim Publik**

**1. Operatori Ekonomik TRAFFIKS VA SH.P.K.** - është eliminuar pasi nuk i plotsoin specifikat teknike dhe kriteret e kërkuara si në vijim: Në dosjen e tenderit është kërkuar: a) *Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi I).* Po ashtu te specifikat e detyrueshme është kërkuar: Të gjitha anët e shenjës duhet të përmbajnë tri shenja të ndryshme me nënshkrime të dallueshme siç janë:

- Stop Police (Sipas mostrave)
- Rrezik në rrugë (Sipas mostrave)
- Aksident në rrugë Sipas mostrave)

Ndërsa Operatori Ekonomik katalogun/broshuren të cilën e ka ofruar i mundon shenja: Stop Police (Sipas mostrave) dhe shenja Aksident në rrugë Sipas mostrave)  
Po ashtu i mungon edhe pesha e kërkuar Pesha maksimale 7 kg.

Arsyet e eliminimit janë të paqendrueshme, ndërsa më poshte do të elaborojmë pretendimit tona në lidhje me këto arsyetime të eliminimit.

Në lidhje me këtë arsye ju sqarojmë se katalogu i prodhuesit është gjeneral dhe nuk përfshin detajet e pajisjeve. Disa prodhues nuk i vendosin të gjitha të dhënat dhe karakteristikat e shenjave apo produkteve, mirëpo ky fakt mund të sqarohet lehtë sipas nenit 59.2 dhe 72 të LPP-së. Kjo mund të vërehet edhe tek katalogu në faqen Nr.5 pika 3 ku shkruan se teksti në shenja bëhet në bazë të porositve të klienteve.

Kjo mund të vërehet na foton e katalogut të prodhuesit si më poshtë:



Detect language Albanian English Spanish ▾

English Albanian Spanish ▾

For street traffic or on site, our folding signs suit almost every application and are custom manufactured to meet your requirements. TrioSign folding signs designed by Nissen are manufactured in a custom-made fashion to meet your requirements. Choose between different sizes, foils, and signs from the various country catalogues

×

Për trafikun rrugor ose në terren, tabelat tona të palosshme i përshtaten pothuajse çdo aplikacioni dhe janë prodhuar me porosi për të përmbushur kërkesat tuaja. Tabelat e palosshme TrioSign të dizajnuara nga Nissen janë prodhuar në një mënyrë të bërë me porosi për të përmbushur kërkesat tuaja. Zgjidhni midis madhësive, fletëve dhe shenjave të ndryshme nga katalogët e ndryshëm të shteteve

Në foton me sipër është përkthimi ku me këtë vertetohet se teksti i shenjave behet me porosi nga klienti.

Poashtu edhe sa i përket peshës së kërkuar maksimale prej 7 kg, ju sqarojmë se edhe për këtë karakteristikë apo specifike prodhuesi nuk i vendos dhe nuk i përshkruan në katalog për shkak se shenjat e trafikut kanë dimensione të ndryshme, forma të ndryshme dhe varësisht nga dimensionet e shenjave ndryshon edhe pesha, prandaj në bazë të kërkesave të klientëve punohet madhësia, forma dhe mbi bazen e kërkesave të klienteve vie edhe deri te pesha e shenjave.

Edhe kjo pikë ka mundur të sqarohet përmes kërkesës për sqarime shtes sipas nenit 59.2 dhe 72 të LPP-së, qoftë duke kërkuar sqarime nga ne si operator ekonomik apo edhe nga prodhuesi drejtpërdrejtë.

Në lidhje me këto arsye të eliminimit, ne kemi kërkuar sqarime nga prodhuesi, ku i njëjti ka deklaruar se fotot në katalog janë vetëm foto të produkteve që shërbejnë vetëm për ilustrim, ndërsa produktet që do të prodhohen së pari duhet të miratohen nga ana e klientit dhe prodhimet mund të kryhen sipas specifikimeve të kërkuesit nga klienti.

**Bashkangjitur keni sqarimin e dt.08.09.2023 nga prodhuesi.**

Raporti i ekspertit shqyrtues, lidhur me ankesën e parashtruar nga OE “**TRAFFIKS VA SH.P.K.**”, lidhur me aktivitetin e prokurimit “**Furnizim me shenja të trafikut mobil për paralajmërim dhe për ndalje të automjeteve motorike.**” me numër të prokurimit: “**214-23-8152-1-2-1**, të iniciuar nga Autoriteti Kontraktues (AK) – **POLICIA E KOSOVËS**



Page 1 of 2

Only after these two steps have been completed can we plan and execute the sampling according to the agreed terms. Please note that this procedure is designed to ensure a smooth process and to make sure that your order meets the highest quality standards.

[illegible]

**I.A. Nikolaus Fuchs**  
Export Sales Manager



Mbi bazën e dëshmimeve të cekura më lartë, rezulton se ekzaminimi, vlerësimi dhe krahasimi i tenderëve nuk është bërë në harmoni me nenin 59 të LPP-së, duke u diskriminuar ne si kompani e përgjegjshme dhe me çmim më të ulët.

Duke i pasur parasysh të gjitha faktet në lidhje me kronologjinë dhe ecurinë e këtij aktiviteti të prokurimit, rezulton se ky aktivitet i prokurimit është anuluar në kundërshtim me nenin 62 të LPP-së, sepse nuk janë përmbushur asnjëra nga kushtet e parashikuara në këtë dispozitë.

Anulimi i këtij aktiviteti të prokurimit është bërë në kundërshtim edhe me nenin 43.5 dhe 43.7 i Rregullores nr.001/2022 Për Prokurim Publik, sepse ne jemi ofertues i përgjegjshëm dhe i plotësues i të gjitha kërkesat e FDT-së dhe të njoftimit për kontratë.

Në këtë aktivitet të prokurimit, nuk është respektuar edhe kriteri kryesor për dhënie të kontratës, e që ka qenë tenderi i përgjegjshëm me çmim më të ulët, konform nenit 60 paragrafi 1.1 i LPP-së.

Gjithashtu nuk është respektuar edhe neni i 7 i LPP-së, duke u diskriminuar ne si operator ekonomik, edhe pse i kemi plotësuar të gjitha kërkesat e FTD-së dhe të njoftimit për kontratë, nuk jemi shpallur fitues të këtij tenderi, kurse paragrafi 1 i nenit 7 të LPP-së e parasheh qartë që "Autoriteti kontraktues do ti trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente".

Gjithashtu nuk është marr në konsideratë edhe neni 1 dhe neni 6 i LPP-së, pasi që dihet se qëllimi i këtij ligji është të sigurojë mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë, ndërsa në këtë rast është vepruar në kundërshtim me këto dispozita, duke na eliminuar neve si ofertues i përgjegjshëm dhe me çmim më të ulët.

Duke u bazuar në të gjitha dëshmitë dhe faktet të cilat u cekën më lartë, kërkojmë nga ju si autoritet kontraktues që të nxjerrni:

### VENDIM

**APROVOHET**, si e bazuar kërkesa për rishqyrtim e OE **Traffiks va " sh.p.k.**

**ANULOHET** njoftimi mbi vendimin (B58) për anulim të aktivitetit të prokurimit dhe lënda të kthehet në

**RIVLERSIM** dhe gjatë rishqyrtimit, ekzaminimit, vlersimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Nëse nuk merren parasysh faktet tona, ne jemi të detyruar të vazhdojmë procedurën ligjore në institucionet tjera kompetente

**Pretendimet ankimore te parashtruara ne ankesën e deponuar ne OSHP, janë të njëjta.**

Raporti i ekspertit shqyrtues, lidhur me ankesën e parashtruar nga OE “TRAFFIKS VA SH.P.K.”, lidhur me aktivitetin e prokurimit “Furnizim me shenja të trafikut mobil për paralajmërim dhe për ndalje të automjeteve motorike.” me numër të prokurimit: “214-23-8152-1-2-1, të iniciuar nga Autoriteti Kontraktues (AK) – POLICIA E KOSOVËS

## KRITERET PËR VLERËSIM

Kërkesat mbi mundësitë teknike dhe/ose profesionale	9.1 & 9.2	a) Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1).	a) Katalogë/ broshurë nga prodhuesi me përshkrime të specifikacioneve teknike siç kërkohet në specifikacionin teknik (Aneksi 1).
---	-----------	--	--

## RAPORTI I KOMISIONI VLERËSUES

DEKLARATË		
[të deklarohet komisioni vlerësues mbi arsyet që e mbështesin këtë rekomandim]		
Komisioni i vlerësimit pas ekzaminimit, vlerësimit dhe krahasimit të ofertave për këtë aktivitet të prokurimit, konstatojmë se për këtë projekt janë pranuar tri (3) oferta. Komisioni vlerësues rekomandon si në vijim: ofertat janë të pa përgjegjshme pasi nuk i plotsojnë specifikat teknike dhe kriteret e kërkuara në dosje të tenderit dhe në njoftim për kontratë. Andaj komisioni i vlerësimit rekomandon që të anulohet ky aktivitet i prokurimit.		
1.	. Limit L & B SH.P.K. 810593617	<u>Operatori Ekonomik Limit L &amp; B SH.P.K.</u> - është eliminuar pasi nuk i plotsojnë specifikat teknike dhe kriteret e kërkuara si në vijim: Në dosjen e tenderit është kërkuar: a) Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1). Ndërsa Operatori Ekonomik katalogun/broshurën të cilin e ka ofruar janë shenjat e trafikut mirëpo produktin të cilin ne e kemi kërkuar nuk është në katalog fare.
2.	TIC LOG SH.P.K. 810496118	<u>Operatori Ekonomik TIC LOG SH.P.K.</u> - është eliminuar pasi nuk i plotsojnë specifikat teknike dhe kriteret e kërkuara si në vijim: Në dosjen e tenderit është kërkuar: a) Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1). Ndërsa Operatori Ekonomik katalogun/broshurën të cilin e ka ofruar ka nderhyr (ka modifikuar) në katalogun/broshurën e prodhuesit, pasi që të lista e çmimeve ka ofertuar me prodhues (Quanzhou Dingfei Reflective Material cp., Ltd-China.) dhe OE e ka vendos edhe llogon e vetë në këtë broshurë do të thotë ka bërë modifikim të katalogut/broshurës. Po ashtu është kërkuar: 2. Certifikata e TVSH-se (për Operatorët Ekonomik vendor) – Ndërsa Operatori Ekonomik nuk ka ofruar fare TVSH, arsyeja pse nuk është kërkuar sqarim sipas nenit 72 pasi që nuk na krijon prap rezultat pozitivë.
3.	TRAFFIKS VA SH.P.K. 811582635	<u>Operatori Ekonomik TRAFFIKS VA SH.P.K.</u> - është eliminuar pasi nuk i plotsojnë specifikat teknike dhe kriteret e kërkuara si në vijim: Në dosjen e tenderit është kërkuar: a) Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1). Po ashtu të specifikat e detyrueshme është kërkuar: Të gjitha anët e shenjës duhet të përmbajnë tri shenja

		<p>të ndryshme me nënshkrime të dallueshme siç janë:</p> <ul style="list-style-type: none"> <li>• Stop Police (Sipas mostrave)</li> <li>• Rrezik në rrugë (Sipas mostrave)</li> <li>• Aksident në rrugë Sipas mostrave)</li> </ul> <p>Ndërsa Operatori Ekonomik katalogun/broshuren të cilën e ka ofruar i mundon shenja: Stop Police (Sipas mostrave) dhe shenja Aksident në rrugë Sipas mostrave) Po ashtu i mungon edhe pesha e kërkuar Pesha maksimale 7 kg.</p>
--	--	--

## INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

## VLERËSIMI SIPAS NENIT 4.1.26 TË LPP

N/A

## VENDIMET E MËPARSHME TË OSHP LIDHUR ME RASTET E NGJASHME

N/A

## ARSYETIMI PËR DEVIJIM NGA PRAKTIKA E MËPARSHME

## PËRGJIGJE NË PRETENDIMET ANKIMORE TË OE ANKUES - TRAFFIKS VA SH.P.K.

### Përgjigje në Pretendimin nr.1

Lidhur me pretendimin e OE ankues qe ka te beje me kërkesat teknike & profesionale eksperti shqyrtues sqaron se me kërkesat e FDT 9.1 & 9.2 është kërkuar:

**a) Operatori Ekonomik duhet të ofrojë katalog / broshurë me të cilën është e mundur vlerësimi i specifikave teknike të ofruara, siç kërkohet në specifikimet teknike (Aneksi 1).**

**a) Katalogë/ broshurë nga prodhuesi me përshkrime të specifikacioneve teknike siç kërkohet në specifikacionin teknik (Aneksi 1).**

Ne baze te specifikimit teknik është kërkuar



Të ketë efektin e lotit (lotues) për shkak të parandalimit të papastërtive.

Të gjitha anët e shenjës duhet të përmbajnë tri shenja të ndryshme me nënshkrime të dallueshme siç janë:

Stop Police (Sipas mostrave)

Rrezik në rrugë (Sipas mostrave)

Aksident në rrugë Sipas mostrave)

Shenjat duhet të jenë të punuara sipas cilësisë së bashkimit evropian.

Shenja e trafikut duhet të jetë 90 cm, ndërsa se bashku me kornize nuk duhet ta kalojnë me shume se 110 cm. Peshë maksimale 7 kg.

Operatori Ekonomik ka dorëzuar me ofertë katalogun gjeneral të prodhuesit në të cilin nuk janë të përfshira detajet e kërkuara me dosjen e tenderit dhe specifikimin teknik. Në kërkesën për rishqyrtim dhe ankesën në OSHP OE ankues ka dërguar një dokument nga prodhuesi në të cilin prodhuesi sqaron se vetëm pas dërgesës së urdhër blerjes mund të ekzekutojnë porosinë sipas kërkesës së blerësit.

Eksperti shqyrtues vlerëson se përkundër faktit se AK-ja ka kërkuar që OE-te të dorëzojnë “**Katalogë/ broshurë nga prodhuesi me përshkrime të specifikacioneve teknike siç kërkohet në specifikacionin teknik**” i njëjti nuk i ka ofruar. Gjatë kërkesës për rishqyrtim OE ankues sipas shkresës së prodhuesit i cili ka deklaruar se duhet të “**dërgohet një urdhër blerje me shkrim nga kontraktori**” në mënyrë që të ekzekutojnë porosinë sipas kërkesave, pra nuk ka ofruar mallrat sipas kërkesave.

Prandaj eksperti shqyrtues vlerëson se AK-ja gjatë vlerësimit të ofertave ka vepruar në përputhje me **Neni 59 Ekzaminimi, Vlerësimi dhe Krahësimi i Tenderëve paragrafi 4.** Autoriteti kontraktues dotë konsiderojnë tenderin si të përgjegjshëm vetëm nëse tenderin e fjalë është në përputhje me rregullat e tenderit dhe të kërkesat e parashtruara në njoftimin e kontratës dhe në dosjet e tenderit.

Poashtu AK-ja ka vepruar në përputhje me RRUOPP neni 39.8 kur nuk ka kërkuar sqarime shtesë nga OE ankues.

Është dorëzuar katalogu për mungon specifikacioni teknik për mallrat e ofruara	Refuzo tenderin pa kërkuar informacion të mëtejshëm	69
--	---	----

Eksperti shqyrtues vlerëson se pretendimi ankimor i OE ankues **nuk është i bazuar.**

## REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK.

---

Raporti i ekspertit shqyrtues, lidhur me ankesën e parashtruar nga OE “**TRAFFIKS VA SH.P.K.**”, lidhur me aktivitetin e prokurimit “**Furnizim me shenja të trafikut mobil për paralajmërim dhe për ndalje të automjeteve motorike.**” me numër të prokurimit: “**214-23-8152-1-2-1**”, të iniciuar nga Autoriteti Kontraktues (AK) – **POLICIA E KOSOVËS**

Raporti i ekspertit shqyrtues, lidhur me ankesën e parashtruar nga OE “TRAFFIKS VA SH.P.K.”, lidhur me aktivitetin e prokurimit “Furnizim me shenja të trafikut mobil për paralajmërim dhe për ndalje të automjeteve motorike.” me numër të prokurimit: “214-23-8152-1-2-1, të iniciuar nga Autoriteti Kontraktues (AK) – POLICIA E KOSOVËS

Raporti i ekspertizës ti dorëzohet:

- Autoritetit Kontraktues – **POLICIA E KOSOVËS**
- Panelit Shqyrtues – **OSHP**
- OE ankues – **TRAFFIKS VA SH.P.K.**



**Burim Zeka**